



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27/01-05-33063-56/19  
Sarajevo, 08.10.2019.godine

**SKUPŠTINA KANTONA SARAJEVO**  
**N/r Predsjedavajući Skupštine Elmedin Konaković**  
- OVDJE -

**Predmet:** Odgovor na zastupničko pitanje – dostavlja se  
Veza vaš akt broj: 01-05-33063-56/19 od 27.09.2019. godine.

**Zastupnik Zvonko Marić** na 13. radnoj sjednici Skupštine Kantona Sarajevo održanoj dana 25.09.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, postavio je **zastupničko pitanje** prema Vladi Kantona, prema Ministarstvu privrede KS, Ministarstvu komunalne privrede i infrastrukture KS, Ministarstvu prostornog uređenja, građenja i zaštite okoliša KS, a koje glasi:

*"Molim da mi se predoči pravni okvir koji JASNO pokazuje obaveze svakog pojedinačnog gore pomenutog ministarstva po pitanju upravljanja RCUO Smiljevići. Molim resorne ministre da odgovore na moje pitanje nakon međusobnih konsultacija sva tri ministarstva, jer problemi na RCUO Smiljevići zahtijevaju jasan pravni okvir kako bi svako ministarstvo preuzelo svoje obaveze i da ukoliko se dese neki propusti svako ministarstvo bude odgovorno za svoje zakonske obaveze, a informacija je također potrebna nama zastupnicima kako bi svoja pitanja i inicijative upućivali na tačne adrese".*

**ODGOVOR:**

Ovom prilikom pokušat ćemo Vam dati što precizniji odgovor, onoliko koliko je to u okviru nadležnosti Ministarstva komunalne privrede i infrastrukture Kantona Sarajevo, koje je formirano 2015. godine.

Zapravo, na osnovu člana 9. Zakona o organizaciji i djelokrugu organana uprave i upravnih organizacija Kantona Sarajevo ("*Službene novine Kantona Sarajevo*", br. 2/2012 - prečišćen tekst, 41/2012, 8/2015 i 13/2017) utvrđena je nadležnost Ministarstva komunalne privrede i infrastrukture da vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona **u oblasti komunalnih djelatnosti, komunalne privrede i infrastrukture**. Tom prilikom donešena su dva zakona i to **Zakon o komunalnim djelatnostima**



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177



Sarajevo, Reisa Džemaludina Čauševića 1

("Službene novine Kantona Sarajevo", br. 14/16, 43/16, 10/17 – ispr., 19/17, 20/18 i 22/19) i **Zakon o komunalnoj čistoći** ("Službene novine Kantona Sarajevo", br. 14/16, 43/16, 19/17, 20/18 i 22/19, čija je primjena jasno ograničena i to do donošenja Zakona o lokalnoj samoupravi, koji je trenutno, u formi Nacrta, u javnoj raspravi, koja se završava krajem mjeseca oktobra 2019.


S tim u vezi, Ministarstvo komunalne privrede i infrastrukture Kantona Sarajevo je obavljalo poslove iz svoje nadležnosti, u skladu sa članom 3. Zakona o komunalnim djelatnostima:

(1) Komunalne djelatnosti individualne komunalne potrošnje u smislu ovog zakona su:

- f) prikupljanje i odvoz komunalnog otpada iz stambenih i poslovnih zgrada i poslovnih prostora na deponiju;
- g) odlaganje komunalnog otpada;

Nadalje, prema Federalnom **Zakonu o upravljanju otpadom** ("Službene novine FBiH", br. 33/03, 72/09 i 92/17), Ministarstvo prostornog uređenja, građenja i zaštite okoliša Kantona Sarajevo je stvarno nadležno za utvrđivanje i sprovođenje politike **upravljanja svim vrstama otpada na području Kantona Sarajevo**, pogotovo u djelu koji se odnosi na planiranje, projektovanje, građenje i održavanja sanitarne deponije, ili RCUO. Shodno tome, Ministarstvo prostornog uređenja, građenja i zaštite okoliša Kantona Sarajevo provodi sve aktivnosti u vezi upravljanja otpadom i svim radnjama neophodnim za normalno i efikasno funkcionisanje deponije "Smiljevići". Obzirom da je deponija "Smiljevići" prema **Federalnoj Strategiji upravljanja otpadom (2008-2018)**, zatim **Federalnom planu upravljanja otpadom (2012-2017)** i na kraju usvojenim **Planom upravljanja otpada Kantona Sarajevo za period (2015-2020)**, planirana za **pretvaranje u Regionalni centar za upravljanje otpadom (RCUO)**, ova nadležnost je isključivo Ministarstva prostornog uređenja, građenja i zaštite okoliša Kantona Sarajevo. **Načelo regionalnosti** podrazumijeva razvoj tretmana otpada i izgradnju objekata za njegovo odlaganje na način **da pokriva potrebe regiona i omogućava samoodrživost izgrađenih objekata**. Regionalni konceptom se vrši udruživanje općina u regiju, koja ima centralnu regionalnu deponiju, a svaka od općina ima razvijen sistem selektivnog prikupljanja i reciklaže, tretmana, te transfera otpada na sanitarnu regionalnu deponiju. Zbog svega navedenog **Zakon o lokalnoj samoupravi bi trebao jasno precizirati nadležnosti i raspodjelu aktivnosti za sve faze rada deponije, kao i dati odgovore na finansijsku održivost i način snošenja troškova rada iste.**

S poštovanjem,



Dostavljeno:

- ① Skupština Kantona Sarajevo, 2x
2. Vlada Kantona Sarajevo, na znanje
3. Evidencija,
4. a/a.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177



Sarajevo, Reisa Džemaludina Čauševića 1